

INDEX ALPHABETICUS

	PAG.
Adalberti Ep. et Mart., duplex majus. 23 Aprilis . . .	14*
Bennonis Ep. et Conf., duplex. 16 Junii	30*
Bonifatii Ep. et Mart., duplex II classis. 5 Junii . . .	29*
Clementis Mariæ Hofbauer Conf., duplex majus. 15 Martii	7*
Conradi a Parzham Conf., duplex. 21 Aprilis	10*
Godehardi Ep. et Conf., Com. 4 Maji	19*
Joannis Nepomuceni Mart., duplex. 16 Maji	19*
Petri Canisii Conf. et Ecl. Doct., duplex II classis. 27 Aprilis	19*

OFFICIA PROPRIA
DIŒCESIS
BEROLINENSIS

JUSSU ET AUCTORITATE
REVERENDISSIMI
ET EXCELLENTISSIMI DOMINI

CONRADI DE PREYSING
EPISCOPI BEROLINENSIS

EDITA

PARS VERNÆ

1939

RATISBONÆ

SUMPTIBUS ET TYPIS FRIDERICI PUSTET
S. SEDIS APOSTOLICÆ ET S. RITUUM CONGREG. TYPOGRAPHI

SACRA CONGREGATIO RITUUM

No. B. 14/39

BEROLINEN.

Post novi Calendarii Diœceseos Berolinensis diei 23 Octobris anno 1931 approbationem, Exc.mus ac Rev.mus Dominus Conradus de Preysing, Berolinensis Episcopus, Officia propria in usum cleri sibi commissæ Diœceseos concinnanda curavit, et Sanctissimi Domini nostri Pii Papæ XII iudicio reverenter subiecit. Eorundem vero Officiorum revisione et emendatione diligenti studio peracta, Sacra Rituum Congregatio ea probari posse censuit. Facta postmodum super hæc Eidem Sanctissimo Domino nostro per infrascriptum E.mum Cardinalem Præfectum relatione, Sanctitas Sua, Officia propria Diœceseos Berolinensis, prouti in adjecto prostant exemplari, probare et ab ejusdem Diœceseos clero adhibenda concedere benigne dignata est; servatis Rubricis et Declaratione de Sanctis vel Beatis alicubi publico cultu honoratis absque certo S. Sedis decreto vel indulto, die 28 Aprilis 1914 data. Contrariis quibuscumque non obstantibus. Die 21 Junii 1939.

L. † S.

C. Card. Salotti S. R. C. Præfectus
A. Carinci S. R. C. Secretarius

APPROBATIO

Concordat cum originali approbato.

Berolini, die 20 Augusti 1939

PRANGE
Vic. Gen.

IMPRIMATUR

Ratisbonæ, die 26 Augusti 1939

v. n.
DR. DOEBERL

KALENDARIUM
DIŒCESIS BEROLINENSIS

a Sacra Rituum Congregatione
revisum et approbatum die 23 Octobris 1931

Februarius

d	8	S. Joannis de Matha Conf., duplex.
e	9	S. Cyrilli Ep. Alexandrini, Conf. et Eccl. Doct., duplex. Com. S. Apolloniæ Virg. et Mart.
f	10	S. Scholasticæ Virg., duplex.
g	11	Apparitio B. Mariæ Virg. immaculatæ, duplex majus.
A	12	Ss. septem Fundatorum Ordinis Servorum B. M. V., Cc., duplex.
b	13	
c	14	S. Valentini Presbyteri et Mart., simplex.
d	15	Ss. Faustini et Jovitæ Mm., simplex.
e	16	
f	17	
g	18	S. Simeonis Ep. et Mart., simplex.
A	19	
b	20	
c	21	
d	22	Cathedra S. Petri Ap. Antiochiæ, duplex majus. Com. S. Pauli Apostoli.
e	23	S. Petri Damiani Ep., Conf. et Eccl. Doct., duplex. Com. Vigiliæ.
f	24	† S. Matthiæ Apostoli, duplex II classis.
g	25	
A	26	
b	27	S. Gabriclis a Virgine Perdolente Conf., duplex.
c	28	

Martius

d	1	
e	2	
f	3	
g	4	S. Casimiri Conf., semiduplex. Com. S. Lucii I Papæ et Mart.
A	5	
b	6	Ss. Perpetuæ et Felicitatis Mm., duplex.
c	7	S. Thomæ de Aquino Conf. et Eccl. Doct., duplex.
d	8	S. Joannis de Deo Conf., duplex.
e	9	S. Franciscae Romanæ Viduæ, duplex.
f	10	Ss. Quadraginta Martyrum, semiduplex.
g	11	
A	12	S. Gregorii I Papæ, Conf. et Eccl. Doct., duplex.
b	13	

c	14	
d	15	S. Clementis Mariæ Hofbauer Conf., duplex majus.
e	16	
f	17	S. Patricii Ep. et Conf., duplex.
g	18	S. Cyrilli Ep. Hierosolymitani, Conf. et Eccl. Doct., duplex.
A	19	†† S. Joseph, Sponsi beatæ Mariæ Virg., Conf., duplex I classis.
b	20	
c	21	S. Benedicti Abbatis, duplex majus.
d	22	
e	23	
f	24	S. Gabrielis Archangeli, duplex majus.
g	25	† Annuntiatio B. Mariæ Virg., duplex I classis.
A	26	
b	27	S. Joannis Damasceni Conf. et Eccl. Doct., duplex.
c	28	S. Joannis a Capistrano Conf., semiduplex.
d	29	
e	30	
f	31	
		Feria VI post Dominicam Passionis — Septem Dolorum B. Mariæ Virg., duplex majus. Com. Feriæ.
		Aprilis
g	1	
A	2	S. Francisci de Paula Conf., duplex.
b	3	
c	4	S. Isidori Ep., Conf. et Eccl. Doct., duplex.
d	5	S. Vincentii Ferrerii Conf., duplex.
e	6	
f	7	
g	8	
A	9	
b	10	
c	11	S. Leonis I Papæ, Conf. et Eccl. Doct., duplex.
d	12	
e	13	S. Hermenegildi Mart., semiduplex.
f	14	S. Justini Mart., duplex. Com. Ss. Tiburtii, Valeriani et Maximi Mm.
g	15	
A	16	
b	17	S. Aniceti Papæ et Mart., simplex.
c	18	
d	19	
e	20	
f	21	S. Conradi a Parzham Conf., duplex. Com. S. Anselmi Ep., Conf. et Eccl. Doct.
g	22	Ss. Soteris et Caji Papæ et Mm., semiduplex.
A	23	S. Adalberti Ep. et Mart., duplex majus. Com. S. Georgii Mart.

b	24	S. Fidelis a Sigmaringa Mart., duplex.
c	25	S. Marci Evangelistæ, duplex II classis.
d	26	Ss. Cleti et Marcellini Papæ et Mm., semiduplex.
e	27	S. Petri Canisii Conf. et Eccl. Doct., duplex II classis.
f	28	S. Pauli a Cruce Conf., duplex. Com. S. Vitalis Mart.
g	29	S. Petri Mart., duplex.
A	30	S. Catharinæ Senensis Virg., duplex.
		Feria IV infra hebdomadam II post Octavam Paschæ — Solemnitas S. Joseph, Sponsi B. Mariæ Virg., Conf. et Ecclesiæ universalis Patroni, duplex I classis cum Octava communi.
		Feria IV infra hebdomadam III post Octavam Paschæ — Octava S. Joseph, duplex majus.
		Majus
b	1	† Ss. Philippi et Jacobi Apostolorum, duplex II classis.
c	2	S. Athanasii Ep., Conf. et Eccl. Doct., duplex.
d	3	† Inventio S. Crucis, duplex II classis. Com. Ss. Alexandri I Papæ et Sociorum Mm. ac S. Juvenalis Ep. et Conf.
e	4	S. Monicæ Viduæ, duplex. Com. S. Godehardi Ep. et Conf.
f	5	S. Pii V Papæ et Conf., duplex.
g	6	S. Joannis Ap. et Ev. ante Portam Latinam, duplex majus.
A	7	S. Stanislai Ep. et Mart., duplex.
b	8	Apparitio S. Michaelis Archangeli, duplex majus.
c	9	S. Gregorii Nazianzeni Ep., Conf. et Eccl. Doct., duplex.
d	10	S. Antonini Ep. et Conf., duplex. Com. Ss. Gordiani et Epimachi Mm.
e	11	
f	12	Ss. Nerci, Achillei et Domitillæ Virg., atque Pancratii Mm., semiduplex.
g	13	S. Roberti Bellarmino Ep., Conf. et Eccl. Doct., duplex.
A	14	S. Bonifatii Mart., simplex.
b	15	S. Joannis Baptistæ de la Salle Conf., duplex.
c	16	S. Joannis Nepomuceni Mart., duplex. Com. S. Ubaldi Ep. et Conf.
d	17	S. Paschalis Baylon Conf., duplex.
e	18	S. Venantii Mart., duplex.
f	19	S. Petri Cælestini Papæ et Conf., duplex. Com. S. Pudentianæ Virg.
g	20	S. Bernardini Senensis Conf., semiduplex.
A	21	
b	22	
c	23	
d	24	
e	25	S. Gregorii VII Papæ et Conf., duplex. Com. S. Urbani I Papæ et Mart.
f	26	S. Philippi Nerii Conf., duplex. Com. S. Eleutherii Papæ et Mart.

g	27	S. Bedæ Venerabilis Conf. et Eccl. Doct., duplex. Com. S. Joannis I Papæ et Mart.
A	28	S. Augustini Ep. et Conf., duplex.
b	29	S. Mariæ Magdalænæ de Pazzis Virg., semiduplex.
c	30	S. Felicis I Papæ et Mart., simplex.
d	31	S. Angelæ Mericiæ Virg., duplex. Com. S. Petronillæ Virg.
Junius		
e	1	
f	2	Ss. Marcellini, Petri atque Erasmi Ep., Mm., simplex.
g	3	
A	4	S. Francisci Caracciolo Conf., duplex.
b	5	S. Bonifatii Ep. et Mart., duplex II classis.
c	6	S. Norberti Ep. et Conf., duplex.
d	7	
e	8	
f	9	Ss. Primi et Feliciani Mm., simplex.
g	10	S. Margaritæ Regina, Viduæ, semiduplex.
A	11	S. Barnabæ Apostoli, duplex majus.
b	12	S. Joannis a S. Facundo Conf., duplex. Com. Ss. Basilidis, Cyrini, Naboris et Nazarii Mm.
c	13	S. Antonii de Padua Conf., duplex.
d	14	S. Basilii Magni Ep., Conf. et Eccl. Doct., duplex.
e	15	Ss. Viti, Modesti atque Crescentiæ Mm., simplex.
f	16	S. Bennonis Ep. et Conf., duplex.
g	17	
A	18	S. Ephræm Syri Diaconi, Conf. et Eccl. Doct., duplex. Com. Ss. Marci et Marcelliani Mm.
b	19	S. Julianæ de Falconeriis Virg., duplex. Com. Ss. Gervasii et Protasii Mm.

OFFICIA PROPRIA DIECESIS BEROLINENSIS

PARS VERNA

Die 15 Martii
**S. Clementis Mariæ
Hofbauer Confessoris**

Duplex majus

V. Amâvit eum Dóminus, et ornâvit eum. **R.** Stolam glóriæ induit eum.
Ad Magnif. Ant. Similâbo eum * viro sapiénti, qui ædificâvit domum suam supra petram.

Oratio

Deus, qui beátum Cleméntem Mariam miro fidei róbore et invíctæ constántiæ virtúte decorásti: ejus méritis et exémpis fac nos, quâsumus, ita fortes in fide et caritate fervéntes; ut præmia consequámur ætérna. Per Dóminus nostrum.

Et fit Commemoratio Feriæ.

In Nocturno Lectiones Beátus vir, **de Communi 1 loco.**

In II Nocturno

Lectio iv

Clemens Mariæ Hofbauer Tassovítii in Morávia natus, a prima

ætáte in schola christiána perfectiónis eruditus est; magístra potíssimum religiosíssima matre, quæ puerulum post patris óbitum osténsa Christi Dómini e cruce pendéntis imágine sic allocúta fertur: En fili, qui hinc in pósterum tibi futúrus est pater, cura, ut per eam, quæ ipsi placet, viam incédas. Adoléscent pistóriam artem didicit; sed ad majóra se vocári præséntiens cæpit inter laboriósæ artis exercítium ad stúdiùm incúmbere literárum. Bis Romam pedes ad límina Apostolórum peregrinátus est, bis étiam rerum cæléstium contemplatióni libérius vacatúrus in erémum secessít. Verum Deo illum ad altióra vocánte intermíssa litterárum stúdia in Vindobonénsi Universitáte repétiit, navitérque prosecútus est; donec ex purióre fonte sacras disciplinas haustúrus, Romam tertium remigrávit.

Ibi in sancti Alfónsi famíliam singuláři Dei providéntia cooptátus est, quam ipsius ópera in dissitas regiões propagátum iri sanctus idem Parens divíno instíntu præsensit ac palam prænuñtiávit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. **Et.**

Lectio v

Absolúto cum magno spírítu fervóre firocínio ac présbyter factus in septentrionáles Európæ provinciás a Sede Apostólicá missus est. Erécto Varsáviæ in Polónia primo suæ Congregatiónis domicílio, et plúribus sibi adjúntis sóciis, incredibile est, quam copióso ibi fructu sacerdotália múnera ultra vicénnium expléverit: nihil labóris recúsans, sive ut cathólicos ad bonos mores et pietátis cultum revocáret, sive ut hæréticos et Judæos ad veram fidem addúceret. Multa étiam ad religiósam juvenútis institutiónem præsti-

tit. Orphanórum sortem miserátus eréxit hospítium, ubi misérrimos quosque patérna caritaté alébat; visus subínde stipem eórum causa emendicáre, immo nec faciém ab increpántibus et in se conspuéntibus avértere. Inter has autem curas semper coram Deo ámbulans, Deiparæ Virgini, cujus Rosárium assidue recitábat, singuláriter devótus, rectus, simplex, húmilis, cunctis affábilis et benignus, ómnibus velut sanctitátis exémples júgiter prælúxit.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. **V.** Induit eum Dóminus lorícam fidei, et ornávit eum. **Et.**

Lectio vi

Deo soli confisus, plures institúti sui domus váriis in regióibus eréxit. Ipse vero multas, ob témporum iniquitátem, acerbitátes perpéssus, et e Polónia tandem cum suis expúlsus, secéssit Vindobónam, ubi duódecim postrémis vitæ annis, ad Dei glóriam strénue operári perseverávit. Præ-

ter séculam enim sanctimoniálum Virgínum curam totus in eo fuit, ut prædicatióne verbi Dei, sacraménti Pœniténtiæ administratióne, quam plúrimas a salúte dévias ánimas Christo lucrifáceret. Quem caritátis ignem, tum sacerdotibus, tum máxime selectæ júvenum cohórti, quorum complúres suum Congregatióni nomen dedérunt, infúndere adlaborávit. Illud autem indeféssa sua ópera consecútus est, ut languescéntem pópuli fidem catholicúmque spírítum non parum illa ætáte imminútum, corroboráret; dignus propitérea, quem Pius séptimus virum apostólicum, Vindobonénsis cleri decus, Ecclesiæque cólumen appelláret. Méritis tandem plenus, et prodigiórum aliorúmque cælestium charismatum múnere illústris, prope septuagenárius obdormívit in Dómino, Idibus Mártiis, anno milésimo octingentésimo vigésimo. Eum Leo décimus tértius, miráculis clarum, Beatórum catálogo, Pius vero décimus novis fulgéntem signis Sanctórum fastis accénsuit.

R. Iste homo perfécit ómnia quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus géntibus. **V.** Iste est, qui contémpsit vitam mundi, et pervénit ad cælestia regna. **Quia. Glória Patri. Quia.**

In III Nocturno Lectiones de Homilia in Evangelium Nolite timere, de Communi Conf. non Pont. 2 loco.

IX Lectio de Homilia Feriali.

Ad Laudes

V. Justum dedúxit Dóminus per vias rectas. **R.** Et osténdit illi regnum Dei.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

Deus, qui beátum Cle-méntem Mariám miro fidei róbre et invictæ constantiæ virtúte decorásti: ejus méritis et exémples fac nos, quæsumus, ita fortes in fide et caritaté fervéntes; ut præmia consequámur ætérna. Per Dóminum.

Et fit Commemoratio Feriali.

In II Vesperis

V. Justum dedúxit, ut supra.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu.

Oratio

Deus, qui beátum Cle-
méntem Mariam miro
fidei robore et invictæ con-
stántiæ virtúte decorásti:
ejus méritis et exémpis fac
nos, quæsumus, ita fortes
in fide et caritate fervén-
tes; ut præmia consequá-
mur æténa. Per Dóminum.

Et fit Commemoratio Feriæ.

Die 21 Aprilis
S. Conradi a Parzham
Confessoris

Duplex

V. Amávit eum Dómi-
nus, et ornávit eum. (T. P.
Allelúja.) **R.** Stolum gló-
riæ induit eum. (T. P. Al-
lelúja.)

Ad Magnif. Ant. Similá-
bo eum * viro sapiénti,
qui ædificávit domum su-
am supra petram. (T. P.
Allelúja.)

Oratio

Deus, qui misericórdiæ
tuæ jánuam fidélibus
patéres voluísti: te súplices
exorámus; ut, intercedénte
beáto Conrado Confessore
tuo, temporália subsidia
nobis tríbuas et æténa.
Per Dóminum.

*Et fit Commemoratio S.
Anselmi Ep., Conf. et Doct.:*

Ant. O Doctor óptime,
Ecclesiæ sanctæ lumen,
beáte Ansélme, divínæ le-
gis amátor, deprecáre pro
nobis Fílium Dei. (T. P.
Allelúja.)

V. Justum dedúxit Dó-
minus per vias rectas. (T.
P. Allelúja.) **R.** Et ostén-
dit illi regnum Dei. (T. P.
Allelúja.)

Oratio

Deus, qui pópulo tuo æ-
térnæ salútis beátum
Ansélmum místrum tri-
búisti: præsta, quæsumus;
ut, quem Doctórem vitæ
habúimus in terris, inter-
cessórem habére mereá-
mur in cælis. Per Dómi-
num nostrum.

*In I Nocturno, si dicendæ
sint de Communi, Lectiones
Beátus vir, de Communi
Conf. non Pontificis 1 loco.*

In II Nocturno**Lectio iv**

Conrádus, in ruráli præ-
dio ad óppidum Parz-
ham in diocési Passavi-
énsi, piis honestisque pa-
réntibus natus, inde a
púero modéstia et solitú-
dinis amóre, quanta futú-
rus esset sanctitate, præ-

Lectio v

monstrávit. Mirus jam tum
in eo elucébat devotiónis
fervor, máxime cum in ec-
clésiá oráret; quam longe
sitam, neque itinere neque
frígore detérritus, fre-
quentáre solébat. Summo
erga beátam Virginem a-
móre inflammátus, quotí-
die ejus Rosárium assidue
iterábat, diebúsque festis
persæpe ad remotióra ip-
sius Deíparæ sanctuária
pergébat: ex quibus pedé-
stribus peregrinatióibus,
júgiter orádo suscéptis,
domum remeábat sub vé-
sperum fere semper jejú-
nus. Integra juventúte in
agrórum cultúra transácta,
ut árcius Deo adhæreret
eíque libérius famularétur,
mundo valedícere stáuit;
quaprópter perámplo pa-
trimónio abdicáto, annum
agens primum supra tri-
gesimum inter fratres lái-
cos órdis Minorum Ca-
puccinórum adnumerári
obtinuit.

R. Honéstum fecit illum
Dóminus, et custodívit
eum ab inimícis, et a se-
ductóribus tutávit illum;
* Et dedit illi claritátem
æténam, allelúja. **V.** Ju-
stum dedúxit Dóminus per
vias rectas, et osténdit illi
regnum Dei. **Et.**

Statim ab emissá profes-
sióne, ad sanctæ Annæ
convéntum civitátis Vet-
céttingæ missus fuit; lo-
cus autem célebris est et
frequentíssimus inter cé-
tera Germánicæ diciónis
Mariána sanctuária, ádeo
ut plura fidélium centéna
millia illuc singulis annis
convéniant. Ob tantum ad
eándem civitátem concúr-
sum, perdifficile in cenó-
bio evádit janitóris offi-
cium; quod Conrádus, cui
hujúsmodi munus statim
ab ejus advéntu fuerat de-
mandátum, ad óbitum us-
que retinuit, et tamquam
exémplici apostolátum ex-
plévit. Impiger in labóre,
parcus in loquéndo, erga
páuperes largus, in pere-
grínis excipiéndis juvan-
disque promptus, per an-
nos quadraginta et ámplius
ostiárii onus æquanímiter
gessit, máximo incolárum et
peregrinórum emoluménto,
in ómnibus tum animæ tum
córporis necessitátibus.

R. Amávit eum Dómi-
nus, et ornávit eum: stol-
lam glóriæ induit eum, *
Et ad portas paradísi coro-
návit eum, allelúja. **V.** In-
duit eum Dóminus lorícam
fidei, et ornávit eum. **Et.**

Lectio vi

Virtutibus omnibus præclarus, siléntium summòpere adamávit. Per diem subsecúva témporis mómenta insumébat in quodam tuguriolo, jánuæ propínquo, e quo sanctíssimam Eucharístiam invísere et adoráre póterat; de nocte vero horas subripiébat somno, quas in fratrum conditório vel in ecclésia oratióni dabat. Etsi consenuísset, quiéti numquam se trádidit, sed in labóribus piúsque exercítiis ad extrémum usque perrexit. Revéra quadam die cum plúribus peregrinántium turmis satisfacísset, agnóvit córporis víribus prorsus destítui; ac tríduo post, undécimo Kaléndas Maji, obdormívit in Dómino, anno millésimo octingentésimo nonagésimo quarto, ætátis suæ septuagésimo quinto. Hunc Dei fámulum, heróicis virtutibus, et miráculis clarum, Pius Papa undécimus anno millésimo nongentésimo trigésimo inter Beátos réttulit; novisque miráculis fulgéntem, quadriénio post, idem Summus Póntifex Sanctórum fastis solémniter adscrípsit.

R. Iste homo perfécit ómnia quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus géntibus, allelúja. **V.** Iste est, qui contémpsit vitam mundi, et pervénit ad cæléstia regna. Quia. Glória Patri. Quia.

In III Nocturno Homilia in Evangelium Nolite timere, de Communi Confessoris non Pontificis 2 loco.

Pro S. Anselmo:

Lectio ix

Anselmus, Augústæ Prætoría in finibus Itálie, nobilibus et cathólicis paréntibus natus, adolescens, pátria et bonis ómnibus derelictis, in monastério Beccénsi órdinis sancti Benedicti emíssa regulári professione, in lítteris et virtutibus assequéndis mirum in modum profécit. Régibus, episcopis veneratióni fuit, et sancto Gregório séptimo étiam accéptus, qui tunc, persecutióibus agítatus, lítteras amóris plenas ad eum dedit, se et Ecclésiam ejus oratióibus comméndans. Defúnto Lanfráncó archiepiscopo Cantuariénsi, ejus olim præceptóre, ad ejúdem

Oratio

ecclésiæ régimen vocátus, verbo et exémplo, scriptis et concíliis celebrátis, prístinam pietátem et ecclésiásticam disciplinam redúxit. Sed cum mox Willélmus rex vi et minis jura Ecclésiæ usurpáre tentásset, ipseque invícte restítisset, bonórum direptiõem et exsílium passus, Romam ad Urbánum secúndum se cóntulit. A quo honorífice excéptus etsummis láudibus ornátus, in Barénsi concílio Spíritum Sanctum étiam a Fílio procedéntem, contra Græcórum errórem, innúmeris Scripturárum et sanctórum Patrum testimóniis propugnávit. Post mortem Willélmi, ab Henrico rege ejus fratre in Angliam revocátus, obdormívit in Dómino. **Te Deum.**

Ad Laudes

V. Justum dedúxit Dóminus per vias rectas. (T. P. Allelúja.) **R.** Et osténdit illi regnum Dei. (T. P. Allelúja.)

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui. (T. P. Allelúja.)

Deus, qui misericórdiæ tuæ jánuam fidélibus patére voluísti: te súpplices exorámus; ut, intercedénte beáto Conrado Confessóre tuo, temporália subsidia nobis tríbuas et ætérna. Per Dóminum.

Et fit Com. S. Anselmi:

Ant. Euge, serve bone et fidélis, quia in pauca fuísti fidélis, supra multa te constítuam, dicit Dóminus. (T. P. Allelúja.)

V. Amávit eum Dóminus, et ornávit eum. (T. P. Allelúja.) **R.** Stolam glóriæ induit eum. (T. P. Allelúja.)

Oratio

Deus, qui pópulo tuo ætérnæ salutis beátum Anselmum minístrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum nostrum.

In II Vesperis

V. Justum dedúxit, ut supra.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu. (T. P. Allelúja.)

Et fit Com. sequentis:

Ant. Lux perpétua lucébit Sanctis tuis, Dómine, et ætérnitas témporum, allelúja.

V. Sancti et justi, in Dómino gaudéte, allelúja. **R.** Vos elégit Deus in hereditátem sibi, allelúja.

Oratio

Beatórum Mártyrum paritérque Pontíficum Sotéris et Caji nos, quæsumus, Dómine, festa tueántur: et eórum comméndet orátio veneránda. (Per Dóminum nostrum.)

Deinde Com. S. Anselmi:

Ant. O Doctor óptime, Ecclésiæ sanctæ lumen, beáte Anselme, divínæ legis amátor, deprecáre pro nobis Fílium Dei. (T. P. Allelúja.)

V. Amávit eum Dóminus, et ornávit eum. (T. P. Allelúja.) **R.** Stulam glóriæ induit eum. (T. P. Allelúja.)

Oratio

Deus, qui pópulo tuo ætérnæ salutis beátum Anselmum ministrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum nostrum.

Die 23 Aprilis

S. Adalberti

Episcopi et Martyris

Duplex majus

V. Sancti et justi, in Dómino gaudéte, allelúja. **R.** Vos elégit Deus in hereditátem sibi, allelúja.

Ad Magnif. Ant. Lux perpétua * lucébit Sanctis tuis, Dómine, et ætérnitas témporum, allelúja.

Oratio

Tuam nobis indulgéntiam, quæsumus, Dómine, beátus Adalbértus Episcopus et Martyr implóret: ut et delicta nobis cleménter ignóscas; et beneficia desideráta concedas. Per Dóminum.

Et fit Com. præcedentis:

Ant. Sancti et justi, in Dómino gaudéte, allelúja: vos elégit Deus in hereditátem sibi, allelúja.

V. Pretiósá in conspéctu Dómini, allelúja. **R.** Mors Sanctórum ejus, allelúja.

Oratio Beatórum, ut supra.

Deinde Commemoratio S. Georgii Mart.:

Ant. Fíliæ Jerúsalem, veníte et vidéte Mártyres cum corónis, quibus coro-

návit eos Dóminus in die solemnitétis et lætitiæ, allelúja, allelúja.

V. Lux perpétua lucébit Sanctis tuis, Dómine, allelúja. **R.** Et ætérnitas témporum, allelúja.

Oratio

Deus, qui nos beáti Geórgii Mártyris tui méritis et intercessióne lætíficas: concéde propítius; ut, qui tua per eum beneficia póscimus, dono tuæ grátiae consequámur. Per Dóminum nostrum.

In II Nocturno

Lectio iv

Adalbértus Episcopus Pragénsis, in Bohémia nobilíssimis paréntibus, Slaunico Libicénsi Cómite, ac Strzezysláva natus, Woitéchus ántea pátrio sermóne dictus fuit; ab Episcopo autem Magdeburgénsi Adalbértó, apud quem deinceps pie ac honestíssime educátus est, álterum nomen accépit. Postquam Ditmáro in episcopátu Pragénsi succésit, illum sanctíssime in magna vitæ continéntia, pietáte pauperúmque cura gessit. Propter contumácis tamen pópuli grávia peccáta desérere illum coác-

tus, Sedem Apostólicam hac de re consultúrus, in Itáliam se cóntulit.

R. Lux perpétua lucébit Sanctis tuis, Dómine. * Et ætérnitas témporum, allelúja, allelúja. **V.** Lætítia sempitérna erit super cápita eórum: gáudium et exsultatióne obtinébunt. **Et.**

Lectio v

Peregrinatióne Hierosolymitána, quam instítuerat, intermíssa, Romæ Leóni Abbáti sancti Bonifátii commendátur. Ibi cum in religiósá vita quinquénium exegisset, a Pragénsibus, pertæsis orbitátis, dénuo revocátur. Principis ipsius, et Archiepiscopi Moguntini nuntiis precibúsque exorátus Póntifex, redire Adalbértum ad suos jubet. Recipiunt læti réducem, non diu tamen illi obtémperant: sacras enim ædes invádunt, sontésque, qui ad illas confúgerant, per vim eréptos interficiunt. Iterum illos désérit Adalbértus, animóque ad convertédas gentes álias, et ad martýrium destináto, ut benedictiόnem tamen Sedis Apostólicæ obtíneat, Romam revértitur.

R. In servis suis, allelúja, * Consolábitur Deus, allelúja. **V.** Judicábit Dóminus pópulum suum, et in servis suis. **Consolábitur.**

Lectio vi

Dénuo Pragenses et Mouguntinus Adalbertum repetunt. Cumque jussu Pontificis iterum ad illos rediret, tres fratres suos ab eis casos esse cognoscit. Pragensem ergo viam praelusam sibi, mentesque illorum a se alienatas esse videns, Deo gratias actis, convertendi gentes, quod Romanus Pontifex probaverat, institutum suum prossequitur. Hungariam cum rege Geisa ejusque filio sancto Stephano in fide Christi confirmat. Silisiam et Poloniam, vicinam cognatamque Bohemis suis gentem, salutaribus preceptis copiosius instruit. Post triennium autem Radzino fratre in archiepiscopatum Gneznensem suffecto, ipse in Prussiam, idolis adhuc et demonibus servientem, proficiscitur. Ibi dum religionem Christianam disseminaret, apud Fishausum sinus Venedici oppidum inter sacrificandum

confossus et in partes dissectus est. Corpus ejus a Boleslao Chrobro principe Poloniae postea redemptum, et in Tremense monasterium prius, deinde Gneznam Metropolim honorifice translatum est.

R. Filiae Jerusalem, venite et videte Martyres cum coronis, quibus coronavit eos Dominus * In die solemnitatis et laetitiae, allelúja. **V.** Quoniam confortavit seras portarum tuarum, benedixit filios tuos in te. **In die. Glória Patri. In die.**

In III Nocturno

Lectio sancti Evangelii secundum Joannem

Lectio vii Cap. 10, 11-16

In illo tempore: Dixit Jesus pharisaeis: Ego sum pastor bonus. Bonus pastor animam suam dat pro ovibus suis. Et reliqua.

Homilia sancti Gregorii Papae

Homilia 17 in Evangelium

Est aliquid, fratres carissimi, quod me de vita pastoris vehementer affligit. Ad exteriora enim negotia delapsi sumus, et aliud ex honore suscipimus, atque aliud ex officio

actionis exhibemus. Ministerium praedicationis relinquimus, et ad poenam nostram, ut video, episcopi vocamur, qui honoris nomen, non virtutis tenemus. Relinquunt namque Deum hi, qui nobis commissi sunt, et tacemus; in pravis actionibus jacent, et correptionis manus non tendimus; quotidie per multas nequitas pereunt, et eos ad infernum tendere negligenter videmus.

R. Ego sum vitis vera, et vos palmites: * Qui manet in me, et ego in eo, hic fert fructum multum, allelúja, allelúja. **V.** Sicut dilexit me Pater, et ego dilexi vos. **Qui.**

Lectio viii

Sed quomodo nos vitam corrigere valemus alienam, qui negligimus nostram? Curis enim saecularibus intenti, tanto insensibiliore intus effici-mur, quanto ad ea, quae foris sunt, studiosiores videmur. Usu quippe curae terranae, a caelesti desiderio obdurascit animus; et dum ipso suo usu durus efficitur per actionem saeculi, ad ea emolliri non valet, quae pertinent ad

caritatem Dei. Unde bene sancta Ecclesia de membris suis infirmantibus dicit: Posuerunt me custodem in vineis: vineam meam non custodivi.

R. Candidi facti sunt Nazaraei ejus, allelúja: splendorem Deo dederunt, allelúja: * Et sicut lac coagulati sunt, allelúja, allelúja. **V.** Candidiores nive, nitidiores lacte, rubicundiores ebore antiquo, sapphiro pulchriores. **Et. Glória Patri. Et.**

Lectio ix

Considerate ergo, quid de gregibus agatur, quando pastores lupi fiunt. Hi enim custodiam gregis suscipiunt, qui insidiosi gregi Dominico non metuunt, contra quos greges Dei custodire debuerant. Nulla animarum lucra quaerimus, ad nostra quotidie studia vacamus, terrena concupiscimus, humanam gloriam intenta mente captamus. Et quia eo ipso, quo ceteris praelati sumus, ad agenda quaelibet majorem licentiam habemus, susceptae benedictionis ministerium veritimus ad ambitionis argumentum. Dei causas relin-

quimus, ad terréna negotia vacamus. Locum sanctitatis accipimus, et terrénis áctibus implicamur. Implétum est in nobis profecto, quod scriptum est: Et erit sicut pópulus, sic sacerdós.

Te Deum laudamus.

Ad Laudes

V. Pretiosa in conspéctu Dómini, allelúja. **R.** Mors Sanctórum ejus, allelúja.

Ad Bened. Ant. Fíliæ Jerúsalem, * veníte et vidéte Mártyres cum coronis, quibus coronávit eos Dóminus in die solemnitatís et lætitiæ, allelúja, allelúja.

Oratio

Tuam nobis indulgentiam, quæsumus, Dómine, beátus Adalbértus Episcopus et Martyr implóret: ut et delicta nobis clementer ignóscas; et beneficia desiderata concédas. Per Dóminum nostrum.

Et fit Commemoratio S. Georgii:

Ant. Lux perpétua lucébit Sanctis tuis, Dómine, et ætérnitas témporum, allelúja.

V. Sancti et justi, in Dómino gaudéte, allelúja. **R.**

Vos elégit Deus in hereditatem sibi, allelúja.

Oratio

Deus, qui nos beáti Geórgii Mártyris tui méritis et intercessióne lætíficas: concéde propítius; ut, qui tua per eum beneficia póscimus, dono tuæ grátia consequamur. Per Dóminum nostrum.

In II Vesperis

V. Pretiosa, ut supra.

Ad Magnif. Ant. Sancti et justi, * in Dómino gaudéte, allelúja; vos elégit Deus in hereditatem sibi, allelúja.

Et fit Commemoratio sequentis:

Ant. Lux perpétua et **V.** Sancti, ut supra.

Oratio

Deus, qui beátum Fidélem, seráphico spíritus ardóre succénsum, in veræ fidei propagatióne martýrii palma et gloriósis miraculis decorare dignatus es: ejus, quæsumus, méritis et intercessióne, ita nos per grátiam tuam in fide et caritate confirma; ut in servítio tuo fidéles usque ad mortem inveniri mereamur. Per Dóminum.

Deinde S. Georgii:
Ant. Fíliæ Jerúsalem, ut supra 18*.

V. Lux perpétua lucébit Sanctis tuis, Dómine, allelúja. **R.** Et ætérnitas témporum, allelúja.

Oratio Deus, qui nos, ut supra 18*.

Die 27 Aprilis

S. Petri Canisii

Confessoris et Eccl. Doct.

Duplex II classis (m. t. v.)

Omnia de Communi Confessoris non Pontificis, præter ea, quæ in Breviario hac die habentur propria. Lectio-nes I Nocturni Sapiéntiam, de Communi Doctorum.

Die 4 Maji

S. Godehardi

Episcopi et Confessoris

Commemoratio

In Festo S. Monicæ Vid. fit ad Laudes Com. S. Godehardi:

Ant. Euge, serve bone et fidélis, quia in pauca fuisti fidélis, supra multa te constituum, dicit Dóminus, allelúja.

V. Justum dedúxit Dóminus per vias rectas, allelúja. **R.** Et osténdit illi regnum Dei, allelúja.

Oratio

Deus, qui méritis sancti Godehárdi Confessoris tui atque Pontificis

semper es et ubique mirabilis: quæsumus cleméntiam tuam; ut, sicut ei eminéntem glóriam contulisti, sic ad consequendam grátiam tuam, ejus nos fácias précibus adjuvári. Per Dóminum nostrum.

Die 16 Maji

S. Joannis Nepomuceni

Martyris

Duplex

In I Vesperis

In II Vesperis S. Joannis Baptistæ de la Salle a Capitulo fit de sequenti.

Capit. Eccli. 21, 28-29

Lábia imprudentium stulta narrábunt, verba autem prudentium statéra ponderábuntur. In ore fatuórum cor illórum, et in corde sapiéntium os illórum.

Hymnus

Invincetus heros Núminis, Mergéndus unda flúminis, Stat fortis in siléntio, Dum fit sigilli méntio.

Hinc rex minátur fúnera, Hinc tortor infert vúlnera, Manus ligántur fúribus, Artus cremántur ignibus.

Sed hæc Joánnes déspect,

Nec regis iram réspicit:
Secréta non vult pándere,
Horret sigillum frángere.

Stat mutus agnus innocens,

Nil de tegédis próferens:
Stat; dumque rex nil élicit,

E ponte justum déjicit.

Præceps ab alto stérnitur,

Undis profundis mérgitur.
Mersum sed applaudéntibus

Undæ salútant ígnibus.

Stellæ natant in flúmine,
Illi paréntant lúmine:
Docétque cæli cláritas,
Quæ sit Joánnis cáritas.

Sequens Conclusio, sicut
etiam Conclusio Hymnorum
ad Matutinum et Laudes
numquam mutatur.

Da, sempitérna Trínitas,
Ut in bono sit firmitas,
Aut lacrimárum flúmina
Mergant cadéntum crímina. Amen.

¶ Sacraméntum regis
abscondere bonum est, allelúja.
¶ Opera autem
Dei reveláre honoríficum,
allelúja.

Ad Magnif. Ant. Dedit
mihi Dóminus linguam
mercédem meam: et in ipsa
laudábo eum, allelúja.

Oratio

Deus, qui ob invíctum
beáti Joánnis sacramentále
siléntium nova
Ecclesiám tuam martyrii
coróna decorásti: da; ut,
ejus exémplo et intercessióne,
ori nostro custodiám
ponéntes, beátis, qui
lingua non sunt lapsi, annu-
merémur. Per Dóminum.

Et fit Commemoratio S. Joannis Baptistæ de la Salle Conf.

Ant. Hic vir despiciens
mundum et terréna, triúm-
phans, divítias cælo cón-
didit ore, manu, allelúja.

¶ Justum dedúxit Dóminus
per vias rectas, allelúja.
¶ Et osténdit illi
regnum Dei, allelúja.

Oratio

Deus, qui, ad christiá-
nam páuperum eruditiónem
et ad juvéntam in via
veritátis firmándam,
sanctum Joánnem Baptístam
Confessórem excitásti,
et novam per eum in
Ecclesiá familiam collegísti:
concede propítius; ut,
ejus intercessióne et exémplo,
stúdio glóriæ tuæ in
animárum salúte fervéntes,
ejus in cælis coronæ partícipes
fieri valeámus. (Per
Dóminum nostrum.)

Deinde S. Ubaldi Ep. et
Conf. (semiduplex):

Ant. Sacérdos et Póntifex,
et virtútum ópifex,
pastor bone in pópulo, ora
pro nobis Dóminum, allelúja.

¶ Amávit eum Dóminus,
et ornávit eum, allelúja.
¶ Stolam glóriæ induit
eum, allelúja.

Oratio

Auxílium tuum nobis,
Dómine, quæsumus,
placátus impénde: et inter-
cessióne beáti Ubaldi
Confessóris tui atque Póntifícis,
contra omnes diaboli
nequítias dexteram
super nos tuæ propitiati-
ónis exténde. Per Dó-
minum nostrum.

Ad Matutinum

Invit. Exsúltent in Dó-
mino Sancti, * Allelúja.

Ps. 94 Veníte, exsúltamus.

Hymnus

In profúnda noctis umbra
Et gravi caligine
Lustrat ædem flamma
munda,
Sic jubénte Númine.

Nocte nascitur Joánnes,
Astra cælo dévolant:
Nocte mérgitur Joánnes,
Astra funus ápparant.

Hinc cor ejus igne flá-
grans

Fortis urit cáritas:

Hinc ab ejus ore manans
Mira prodit suávitás.

Nunc amóre cor bonórum

Ad salútem pértrahit:
Nunc timóre cor malórum

A gehénna rétrahit.

Páuperes solátur ære,
Derelictis súbvenit:
Non sinit justos jacére,
Damna famæ præpedit.

Per Joánnis sanctitátem,
O beáta Trínitas,
Méntibus da puritátem,
Corde regnet cáritas.

Amen.

In I Nocturno

Ant. Erit lumen Israel
in igne, et Sanctus ejus in
flamma, allelúja.

Psalmi trium Nocturnorum
de Comuni unius Martyris.

¶ Sacraméntum regis
abscondere bonum est, allelúja.
¶ Opera autem
Dei reveláre honoríficum,
allelúja.

De libro Ecclesiástici
Lectio i Cap. 21, 26-31

Stultus a fenéstrea respí-
ciet in domum: vir autem
eruditus foris stabit.
Stulftia hómínis auscul-

täre per ostium: et prudens gravabitur contumelia. Labia imprudentium stulta narrabunt: verba autem prudentium statim ponderabuntur. In ore fatuorum cor illorum: et in corde sapientium os illorum. Dum maledicit impius diabolum, maledicit ipse animam suam. Superbo coinquinabit animam suam, et in omnibus odiatur: et qui cum eo manserit, odiosus erit: tacitus et sensatus honorabitur.

R. Metuebat rex Joannem, * Sciens eum virum justum et sanctum, alleluja. **V.** Et custodiebat eum, et audito eo multa faciebat, et libenter eum audiebat. **Sciens.**

Lectio ii Cap. 28, 21-25

Flagelli plaga livorem facit: plaga autem lingue comminuet ossa. Multi ceciderunt in ore gladii, sed non sic quasi qui interierunt per linguam suam. Beatus qui tectus est a lingua nequam, qui in incundiam illius non transivit, et qui non attraxit jugum illius, et in vinculis ejus non est ligatus: jugum enim illius, jugum

ferreum est: et vinculum illius, vinculum aereum est. Mors illius, mors nequissima: et utilis potius infernus quam illa.

R. Lex veritatis fuit in ore ejus, et iniquitas non est inventa in labiis ejus: in pace et in aequitate ambulavit mecum: * Et multos avertit ab iniquitate, alleluja. **V.** Labia enim sacerdotis custodient scientiam, et legem requirent ex ore ejus. **Et**

Lectio iii Cap. 28, 26-30

Perseverantia illius non permanebit, sed obtinebit vias inistorum: et in flamma sua non comburet justos. Qui relinquunt Deum, incident in illam, et exardabit in illis, et non extinguetur, et immittetur in illos quasi leo, et quasi pardus laedet illos. Sepi aures tuas spinis, linguam nequam noli audire, et ori tuo facito ostia, et seras. Aurum tuum et argentum tuum confla, et verbis tuis facito stateram, et frenos ori tuo rectos: et attende, ne forte labaris in lingua, et cadas in conspectu inimicorum insidiantium ti-

bi, et sit casus tuus insanabilis in mortem.

R. Sepi aures meas spinis, * Et ori meo feci ostia et seras, alleluja. **V.** Beatus, qui lingua sua non est lapsus, et qui non servivit indignis se. **Et** Gloria Patri. **Et.**

In II Nocturno

Ant. Non quaesivit a Domino ducatum, neque a rege cathedram honoris, alleluja.

V. Pone, Domine, custodiam ori meo, alleluja.

R. Et ostium circumstantiae labiis meis, alleluja.

Lectio iv

Joannes Nepomuci, Bohemiae oppido, unde Nepomuceni cognomen duxit, a parentibus aetate provectis, non sine futurae sanctitatis praesagio, flammis supra nascentis domum mirabiliter collucens, ortus est. Cum infans in gravem morbum incidisset, beatae Virginis ope, cui natum parentes referabant acceptum, e vitae periculo evasit incolumis. Egregia indole, piaque institutione caelestibus indicis obsequente, inter sanctas religiosasque

exercitationes pueritiam egit; nam ecclesiam frequenter adire, ac sacerdotibus ad aras operantibus ministrare in deliciis habebat. Zatecii politioribus litteris ad humanitatem informatus, Prage vero gravioribus disciplinis excultus, philosophiae, theologiae sacrorumque canonum magisterium et lauream emeruit. Sacerdotio initiatus, atque a scientia Sanctorum ad lucra animarum rite comparatus, ministerio verbi Dei se penitus addixit. Cum igitur in vitiis exstirpandis, et revocandis in viam salutis errantibus, eloquentia et pietate uberes ederet fructus, inter canonicos metropolitanae ecclesiae Pragensis cooptatus, mox sibi demandatam Evangelii coram rege Wenceslao quarto praedicandi provinciam suscepit, eo successu, ut Joannis suasu multa rex faceret, magnoque in honore ejus virtutes haberet. Conspicuas tamen, quas ille obtulit dignitates, Dei servus, ne a divini verbi praeconio avocaretur, constantissime recusavit.

R. Instans oratióni et ministério verbi, hortabatur omnes, in proposito cordis permanere in Dómino: * Quia erat vir bonus, et plenus Spíritu Sancto, allelúja. **V.** Et apponebatur multa turba Dómino. **Quia.**

Lectio v

Régis illum eleemosynis in páuperes erogandis præfectum, Joánna regína consciéntiæ sibi moderatórem ascívit. Cum autem Wencesláus ab officio institutóque decessisset, atque in vítia præceps abriperétur, piæ autem conjugis obstestatiónes et mónita gravate ferret, conténdere ausus est, ut in sacramentáli judicio sacerdoti crédita regínæ arcána sibi a Joánne panderéntur. At Dei mínister blanditiis primum, tormentis deinde et cárce is squalóre tentátus, nefáriæ regis cupiditáti fórtiter óbstitit. Furéntem tamen Wenceslái ánimum cum ab exsecrándo proposito nec humána nec divína jura deterrèrent, suprémum agónem, quem instáre sibi athléta Christi nóverat, pópulo in contióne de impendéntibus étiam regni calamitatibus admónito, non obscére

prænuntiávit. Mox Bolesláviam profectus, ad beátæ Virginis imáginem antiquo cultu célebrem, cæléste præsidium ad certándum bonum certámen efúsus précibus implorávit. Inde véspere reverténtem in pervigílio Dominicæ Ascensiónis rex e fenéstra conspicátus arcéssit; cumque vehementius urgéret, et próximam in aquis, si obluctári pérgeret, submersiónem intentáret, Joánes invícta constantia terróres minásque refutávit. Itaque regis império in Moldávam flumen Pragam intérfuens noctu dejéctus, illústrem martýrii corónam est consecútus.

R. Dispérsit, dedit pauperibus: * Justítia ejus manet in sæculum sæculi, allelúja. **V.** Beátus, qui intelligit super egénem et páuperem. **Justítia.**

Lectio vi

Sacrilegum fácinus clam patrátum, et Mártý is glóriam insigne prodígium divinitus patefécit. Ubi enim exánime corpus secúndo flúmine vehi cœpit, ardéntes faces aquis supernatántes et discurréntes apparuérunt. Quam ob rem ex aréna postrídie ma-

ne corpus elátum, canónici deinde, regis iram nihil tíméntes, in metropolitánam ecclésiám solémni pompa intulérunt, et sepultúræ mandárunť. Cum autem in dies invicti sacerdotis memória miráculis et máxima fidélium, eórum præcipue qui fama periclitántur, veneratióne crésceret, post annos demum ámplius trecéntos, in jurídica recognitióne córporis, quod sub humo tándiu jacúerat, lingua ejus incorrupta et vívida repérta est: quæ sexto post anno iudicibus a Sede apostólica delegátis exhibita, novo prodígio repente intúmuit, et subobscurum rubórem in purpúream commutávit. His itaque aliisque signis rite probátis, Benedictus déimus tértius Póntifex Máximus die décima nona mensis Mártii, anno salutis millésimo septingentésimo vigésimo nono, primum hunc sacramentális sigilli assertórem, arcáni fidem sánguine obsignántem, sanctorum Mártýrum catálogo adscrípsit.

R. Ego scio, quóniam intrábunt post discessiónem meam lu i rapáces in vos, non parcéntes gregi: *

Propter quod vigiláte, allelúja. **V.** Et ex vobis ipsis exsúrgent viri loquéntes perversa, ut abducant discipulos post se. **Propter.** Glória Patri. **Propter.**

In III Nocturno

Ant. Igne me examinásti, et non est invénta in me iniquitas, allelúja.

V. Dixi: Custódiam vias meas, allelúja. **R.** Ut non delinquam in lingua mea, allelúja.

Lectio sancti Evangélii secúndum Matthæum

Lectio vii Cap. 11, 2-10

In illo témpore: Cum audisset Joánes in vinculis ópera Christi, mittens duos de discipulis suis, ait illi: Tu es, qui ventúrus es, an álium exspectámus? Et réliqua.

Homília sancti Gregórii Papæ

In Evangel. Homília 6

Dimissis Joánis discipulis, quid de eódem Joánne turbis dicat audiámus. Quid exístis in desértum vidére? arúndinem vento agitatam? Quod videlicet non asseréndo, sed negándo intulit. Arúndinem quippe mox ut aura contigerit, in partem álte-

ram inflectit. Et quid per arundinem nisi carnalis animus designatur? Qui mox ut favore vel detractioe tangitur, statim in partem quamlibet inclinatur. Si enim ab humano ore aura favoris flaverit, hilarescit et extollitur: sed si inde ventus detractiois eruperit, unde aura laudis veniebat, mox hunc quasi in partem alteram ad vim furoris inclinatur.

R. Cum corripere ab illo de omnibus malis, quae fecit rex, adjecit et hoc: * Et inclusit Joannem in carcere, alleluja. **V.** Laboro usque ad vincula, quasi male operans: sed verbum Dei non est alligatum. **Et.**

Lectio viii

Sed arundo agitata vento Joannes non erat: quia hunc nec blandum gratia, nec cuiuslibet detractiois ira asperum faciebat: nec prospera hunc erigere, nec adversa noverant inclinare. Arundo ergo vento agitata non erat, quam ab status sui rectitudine nulla rerum varietas inflectebat. Discamus ergo, fratres carissimi, arundinem vento agitam non esse: solidemus animum inter auras lingua-

rum positum: stet inflexibilis status mentis. Nulla nos detractio ad iram provocet, atque ad remissionem inutilis gratiae nullus favor inclinet. Non nos prospera elevent, non adversa perturbent: ut qui in soliditate fidei figimur, nequaquam rerum transeuntium mobilitate moveamur.

R. Reddidit Deus justo mercedem laborum suorum, et deduxit illum in via mirabili: * Et fuit illi in velamento diei, et in luce stellarum per noctem, alleluja. **V.** Transverxit illum per aquam nimiam, inimicos autem illius demersit. **Et.** Gloria Patri. **Et.**

Pro S. Ubaldo:

Lectio ix

Ubaldus, Eugubii in Umbria nobili genere natus, a primis annis pietate et litteris egregie est institutus; jamque adolescens, ut uxorem duceret, saepe tentatus, numquam tamen a proposito servandae virginitatis recessit. Sacerdos effectus, patri monium suum pauperibus et ecclesiis distribuit. Canonicoe regularium or-

dinis sancti Augustini institutum suscipiens, illud in patriam transtulit. Ab Honorio secundo Summo Pontifice ecclesiae Eugubinae virtus praeficitur, et episcopalis consecrationis munere decoratur. Factus forma gregis ex animo, de consueta vivendi ratione nihil admodum immutavit, et in omni virtutum genere enituit. Diutius infirmitatibus afflictus, Deo indinenter gratias agebat. Cum multis annis ecclesiam sibi commissam summa cum laude gubernasset, sanctis operibus et miraculis clarus, quievit in pace.

Te Deum laudamus.

Ad Laudes

Ant. 1 Interrogabat eum * rex multis sermonibus: at ipse nihil illi respondebat, alleluja.

Psalmi de Dominica 1 loco.

2 Rex dixit: * Ne abscondas a me verbum, quod te interrogo. Dixi: Secretum meum mihi, secretum meum mihi, alleluja.

3 Affirmabat rex, * se divitem et beatum facturum. Non obedio praeccepto regis, sed praeccepto legis, quae data est nobis, alleluja.

4 Tunc rex, accensus ira, * in hunc super omnes crudelius desavit, alleluja.

5 Beatus * qui lingua sua non est lapsus, et qui non servivit indignis se, alleluja.

Capit. Eccli. 21, 28-29

Labia imprudentium stulta narrabunt, verba autem prudentium statim ponderabuntur. In ore fatuorum cor illorum, et in corde sapientium os illorum.

Hymnus

Vix in sepulcro conditur, Signis Joannes prouiditur, Per cratium repagula Intermicant miracula.

Hic ejus hostes illico Pudore maesti publico, Ultrice dextra Numinis, Pœnas rependunt criminis.

Hic damna rerum flentibus Famæve conquerentibus, Abdûcta res reuertitur, Ablata fama redditur.

Hic corpus ægritudines, Tempus vicissitudines, Periculum securitas, Mortem fugit mortalitas.

Hic viva lingua Mártyris,
Sed muta voce sánguinis
Clamans, ut Abel, improbat,

Regique crimen éxprobrat.

Unius, o, da, Trínitas,
Triúmque simplex Unitas,
Ut, qui Joánni súpplicant,
Id ímpetrent, quod flágitant. Amen.

¶ Pósuí ori meo custódiám, allelúja. **R.** Cum consisteret peccátor advérsu me, allelúja.

Ad Bened. Ant. Quicúmque glorificáverit me, glorificábo eum: qui autem contémmunt me, erunt ignóbiles, allelúja.

Oratio

Deus, qui ob invíctum beáti Joánnis sacraméntale siléntium nova Ecclésiám tuam martýrii coróna decorásti: da; ut, ejus exémplo et intercessióne, ori nostro custódiám ponéntes, beátis, qui lingua non sunt lapsi, annúmeremur. Per Dóminu nostrum.

Et fit Com. S. Ubaldi:

Ant. Euge, serve bone et fidélis, quia in pauca fuísti fidélis, supra multa te constituam, dicit Dóminus, allelúja.

¶ Justum dedúxit Dóminus per vias rectas, allelúja. **R.** Et osténdit illi regnum Dei, allelúja.

Oratio

Auxílium tuum nobis, Dómine, quæsumus, placátus impénde: et intercessióne beáti Ubáldi Confessoris tui atque Pontíficis, contra omnes diabóli nequítias dexteram super nos tuæ propitiatiónis exténde. Per Dóminu nostrum.

Ad Horas Antiphonæ et Psalmi de Feria.

Ad Tertiam

Capit. Eccli. 21, 28-29

Lábía imprudentium stulta narrábunt, verba autem prudentium statéra ponderábuntur. In ore fatuórum cor illórum, et in corde sapiéntium os illórum.

R. br. Sacraméntum regis abscóndere bonum est. * Allelúja, allelúja. **Sacraméntum.** ¶ Opera autem De' reveláre honoríficum. Allelúja, allelúja. **Glória Patri. Sacraméntum.**

¶ Pone, Dómine, custódiám ori meo, allelúja. **R.** Et óstium circumstántiæ lábiis meis, allelúja.

Ad Sextam

Capit. Eccli. 28, 28

Sepi aures tuas spinis, linguam nequam noli audíre et ori tuo fácito óstia et seras.

R. br. Pone, Dómine, custódiám ori meo, * Allelúja, allelúja. **Pone. ¶.** Et óstium circumstántiæ lábiis meis. Allelúja, allelúja. **Glória Patri. Pone.**

¶ Dixi: Custódiám vias meas, allelúja. **R.** Ut non delinquam in lingua mea, allelúja.

Ad Nonam

Capit. Eccli. 28, 29-30

Aurum tuum et argéntum tuum confla et verbis tuis fácito statéram et frenos ori tuo rectos et atténde, ne forte labáris in lingua.

R. br. Dixi: Custódiám vias meas, * Allelúja, allelúja. **Dixi. ¶.** Ut non delinquam in lingua mea. Allelúja, allelúja. **Glória Patri. Dixi.**

¶ Pósuí ori meo custódiám, allelúja. **R.** Cum consisteret peccátor advérsu me, allelúja.

In II Vesperis

Antiphonæ de Laudibus 27*, Psalmi ut in I Vesperis de Communi Apostolorum, sed loco último Psalmus 115 Crédi di. A Capitulo fit de sequenti.

Et fit Com. præcedentis:

Ant. In conspéctu poténtium admirábilis ero, et fácies princípum mirabúntur me: tacéntem me sustinébunt, et loquéntem me respicient, allelúja.

¶ Pósuí et Oratio Deus, qui ob, ut supra ad **Laudes 28*.**

Deinde Com. S. Ubaldi:

Ant. Amávit eum Dóminus, et ornávit eum: stollam glóriæ índuit eum, et ad portas paradísi coronávit eum, allelúja.

¶ Justum et Oratio Auxílium, ut supra 28*.

Die 5 Junii

S. Bonifatii

Episcopi et Martyris

Duplex II classis

Omnia de Communi Martyrum Tempore Paschali, præter ea, quæ in Breviario hac die habentur propria.

In I Vesperis fit Commemoratio præcedentis.

In I Nocturno Lectiones A Miléto, cum Responsoriis Temporis Paschalis.

In II Vesperis fit Commemoratio sequentis.

Die 16 Junii

S. Bennonis

Episcopi et Confessoris

Duplex, sed ad modum Sim-
plicis recolendum

In I Vesp. Ant. Sacér-
dos et Póntifex, et virtú-
tum ópifex, pastor bone in
pópulo, ora pro nobis Dó-
minum, allelúja.

¶. Amávit eum Dómi-
nus, et ornávit eum, alle-
lúja. R. Stolum glóriæ ín-
duit eum, allelúja.

Oratio

Deus, qui nos beáti Ben-
nónis Pontificis con-
fessióne gloriósa circúm-
das et prótegis: da nobis,
et ejus imitatióne profice-

re, et intercessióne gaudé-
re. Per Dóminum nostrum.

Ad Laudes Ant. Euge,
serve bone et fidélis, quia
in pauca fuísti fidélis, su-
pra multa te constituam,
dicit Dóminus, allelúja.

¶. Justum dedúxit Dó-
minus per vias rectas, alle-
lúja. R. Et osténdit illi
regnum Dei, allelúja.

In II Vesp. Ant. Amá-
vit eum Dóminus, et orná-
vit eum: stolam glóriæ ín-
duit eum, et ad portas pa-
radísi coronávit eum, alle-
lúja.

¶. Justum dedúxit Dó-
minus per vias rectas, alle-
lúja. R. Et osténdit illi
regnum Dei, allelúja.

· ADDENDA ET VARIANDA IN LECTIÓNE MARTYROLOGII

JUXTA

KALENDARIUM BEROLINENSE PROPRIUM

Die 15 Martii

Vindobónæ in Austria sancti Cleméntis Mariæ Hóf-
bauer, sacerdotís proféssi Congregatiónis sanctíssimi
Redemptóris, plúrimis in Dei glória et animárum sa-
lúte promovénda ac dilatánda ipsa Congregatióne ex-
antlátis labóribus insignis: quem virtútibus et mirácu-
lis clarum Pius décimus Póntifex Máximus in Sanc-
tórum cánonem réttulit.

Die 21 Aprilis

Vetottingæ, in Bavária, sancti Conrádi a Parz-
ham, Confessóris, ex Ordine Minórum Capuccinórum,
jugi oratióne et caritáte in próximum insignis; quem
miráculis clarum Pius Papa undécimus Sanctórum
número adscrípsit.

Die 23 Aprilis

Ponitur primo loco elogium S. Adalberti Ep. et Mart.

Die 16 Maji

Ponitur primo loco elogium S. Joannis Nepomuceni Mart.

Die 16 Junii

Ponitur primo loco elogium S. Bennonis Ep. et Conf.